

續修長垣縣志叙



吾邑故有志源修時距今
百年而久未有增補邑侯
關中宗公來宰于垣即留
意纂修將見商於不佞會
有郡志之後未及卒業居

長垣志叙

部一

無何公奉太夫人諱以歸幸
邀惠于公得再補吾邑其
視邑志猶視家乘焉輒中
心誌之值歲大祲日以荒政
為急未遑也今歲事漸康
民用以和方議修輯時

郡伯三韓鮑公以修明政典為
已任移檄諸州邑董勵之公
乃披故牒采輿論補鈇莛
蕪不閱月而告成為志有八
為卷有八而目五十有六余
乃拜手而為之叙之曰古者

列國紀事各自為史而志已
為史之常與以合後燕郡邑
有志而無史則史為史志為
志而志益與以分則易美
分則易乖况遠值滄桑時異
勢殊地殫而或千百交

焉所聞異辭所傳聞又異
辭乃於世遠宜湮之餘而
欲比事屬辭勒成一代良
書即班馬無所施其巧董
倚無所用其直矣則立志
於今日為獨難哉

國家寧一字內舉十五國
而籍之收圖掌之職方以
政綜攬而臚列矣猶必薰
采郡邑志乘以大一統之盛
者蓋以志者史之餘一邑者
天下之餘也吾垣隸在

畿南為河朔間一都會星
野於此焉徵方輿於此焉
辨曰賦於此焉供即風俗
人心吏治賢才乎此焉考
澄是志也者固以之輪輻
也則邑志所關為重且鉅

長垣志敘

部四

今公意主論世不以飾詞至
徵事不以勑說寧闕疑毋
寧多博詳要得體彬々
乎稱良史已故志星野則
營宣東歸之墟犁然藁
布矣尚慎修省焉志封

域則負山阻河固形勝所必
爭也尚亟防衛焉志民土
則生齒由登而之耗田畝由
羸而之絀燔於寇嚙於水勞
止可念矣則壤成賦休養
底慎之道宜講也城以守

國堂以出治壇壝以事神
非是則不舉不書矣勞輶
逸永蓋欲其復不欲其墜
也則志建置類辭以弘化
黌序以育才而聖哲遺躅
圖書輿府固洵風可興矣

毋妻膠庠為茂草也則志
學校治教聿興厥有官
師志職官而三善可稱百
里可摟炳三應列星矣母
胥戕母胥虐民其永懷與
經術取士爰重賓興志選

長垣志叙

部六

舉而對天人賦長揚纍纍多
上第矣母采春華忘秋實
其思人重科名與其自寵
比而下伯玉稱賢季英稱介
代興之彥是經是程或黜
著旂常或行采月旦庶

頑立懦即懿民貞婦皆可
風矣尚思典型哉故志人物
至於文以載道詩以觀風自
龍門紀事班姑賦懷室同
之記雙忠嘉州之題婦姑
皆辭姻體要義備風雅者

長垣志叙

部七

矣其他著文俚語止堪覆
瓿概無取焉載籍既博亦
當世得失之林也故以藝文
終焉夫知是因文以求義因
義以制事因事以起化不
出一邑而天下之理得矣則

志也即一史也即所以為一也
于以上一應

予稽古右文至意馳聲教
而宣山雅化故不徒備典文飾
盤華悅已也後之隨覽者得公
之意而用之相與華薄從

長垣志叙

部八

忠孝友姒睦以坐進於古
先溥龐之風是公之與邑
笑老子弟相與以有成也
其六可油然而興感矣是
役也公不以余為固陋間為
葛荒之詢余小子生也晚竊

以所聞於鄉先正者質言之遂贅其言於簡端

時在



康熙庚申孟秋之吉

賜進士出身奉政大夫奉勅提督湖廣通省學政按察

長垣志叙

部九

司僉事邑人部煥元撰



續脩長垣縣志序

今之邑古之國也今之邑志古
之國史也周官外史掌四方之
志小史掌邦國之志凡一時褻
守山川則壞賦稅以及觀民化
俗彰往察來是非褒貶法戒取

長垣縣志

序一

告咸於是焉資志之將係豈淺
鮮哉迨其既也侈耳目之觀逞
深耀之詞論事者不原其始纂
言者不根其情不達廢興之曰
無以酌損益之宜不徵善惡之
無以動勸懲之感博而寡要

華而失真其於志也奚當焉長垣雖隸

畿輔末區其文獻之盛自三代時已然矣始余下車之日徘徊臨眺吊龍逢之故居於龍相之里訪比干之石榭於小郭之村

長垣縣志

序二

祠建雙忠殺身成仁接踵二代可不謂異世同心乎絲雙忠祠南數里有蘧大夫墓墓前為君子堂吳季札曰衛多君子國無敵也孔子獨曰君子哉蘧伯玉今絲寡過未能之言思之斯真君子不

愧大聖人之推許焉古所稱鄉
先生歿而可祀於社者非斯人吾
誰與歸垣邑地古而名且數易其
邑治之基亦數易獨今之縣治
正當春秋之蒲史記仲由治蒲
治於斯夫子入由境邑入於斯

率由之庭至於斯仲子三善不可
倣而行之乎恭敬忠信明察是
誠後事之師也已城北連岡疊
翠其隆然而高者為杏壇四子
言志處也古栢覆廟肅緘而入
像貌竒偉劍珮環列恍然坐春

風而聞鏗爾之音豈必適魯登
堂觀其車服禮器始令人低徊
留之不忍去云其西南有阜隱
然土人曰是爲匡城或曰子畏
於是是不足觀也然匡人始雖
以貌失聖人繼則聞曲而解圍

豈可與削迹伐檀者同日語哉
其他幽貞之士孤嫠之懿秀發
山川光垂史冊者且屈指難盡
也余心焉慕之檢閱前志雖大
旨臚列自萬曆三十一年以來
曩焉弗脩者且八十餘載矣鞅

掌之暇集諸庠彥網羅舊聞粗
分條例以備編摩未幾竟以母
憂去垣越三年入都補選漢
筮是邑余意前書踈濶或者繇
此續成乎曩雖固陋寡識每於
簿書叅錯之中不忘勵其初志
適奉

長垣縣志

序五

郡伯鮑大人檄慨茲墜典刻
期毅舉事關縣務既不容緩
况興廢補遺亦邑官事也遂
不敢以不文辭爰取原志恭
以近輯及西漢披閱條例名目

悉從舊製至其持論之端不
今昔之別時異勢殊回事揣
宜其可削者削之削之非以
掩前美其當易者易之易
之非以侈後聞總期論事核
寔纂言抒理據簡冊者多

長垣縣志

序六

於耳目詳典章者遠於浮
華勸懲足以昭一時之淑慝
損益足以表當代之規模庶
幾踵事繼絕綱舉目張矣迺
若紀載窮於目力是非謬於
去取言之無文行之不遠亦

聊脩一方之類書耳敢曰史乘
云乎哉是為序


昔

康熙歲次庚申仲秋之吉

賜進士第文林郎知長垣縣
事加三級關中宗琮撰

長垣縣志

序七



增修長垣縣志序

周禮小史氏掌邦國之志而列國皆有史以備一國之典籍則志與史異名而同實也夫史以紀事凡天文輿地土田賦役沿革廢置民風物產無所不錄而

長垣縣志

序一

於君卿大夫之姓氏事蹟尤必大書特書以示勸懲而垂法戒蓋君卿大夫之所建監而天文輿地之災祥土圉賦役之贏絀沿革廢置之得失民風物產之盛衰實繫于是焉故書之必詳